

Այսպիսով, առաջին համաշխարհային պատերազմի տարիներին Անդրկովկասի և Հայաստանի բոլշևիկները ոչ միայն լիովին պաշտպանեցին կուսակցության լենինյան քաղաքականությունը պատերազմի, խաղաղության և հեղափոխության հարցերի վերաբերյալ, այլև ընդհատակի ծանր պայմաններում հերոսական պայքար ծավալեցին այդ քաղաքականությունը կենսագործելու համար: Խոսելով այդ մասին, լենինյան «Սոցիալ-դեմոկրատը» նշել է, որ Կովկասի բոլշևիկյան կազմակերպությունը «...լավ ու հաջողությամբ է պաշտպանում հեղափոխական մարքսիզմի դրոշը Կովկասում նաև այժմյան ծանր օրերին... կուսակցական անլեգալ աշխատանքն ուժեղ կերպով ծավալվում է Կովկասի բոլոր վայրերում: Եւրոժումն ստեղծվում և առաջ է գնում բացառապես հեղափոխական սոցիալ-դեմոկրատ ինտերնացիոնալիստների լուրջնեղներով...»¹³⁷:

8. ՊԱՏԵՐԱԶՄԸ ԵՎ ԱՐԵՎԵԼՅԱՆ ՀԱՅԱՍՏԱՆԻ ՏՆՏԵՍՈՒԹՅԱՆ ՔԱՅՔԱՅՈՒՄԸ: ԱՇԽԱՏԱՎՈՐՆԵՐԻ ԴՐՈՒԹՅԱՆ ՎԱՏՔԱՐԱՑՈՒՄԸ

Առաջին համաշխարհային պատերազմը ծանր նախադրյալներ էր ստեղծում իր տնտեսության վրա: Արդյունաբերությունը, գյուղատնտեսությունն ու տրանսպորտը խոր ճգնաժամ ապրեցին: Մասսայական զորահավաքների հետևանքով երկրի աշխատունակ տղամարդկանց 40—50 %-ը՝ մոտ 15 միլիոն մարդ բանակ զորակոչվեց: Պատերազմի հենց առաջին տարում ժողովրդական տընտեսությունից զորակոչվեց 7 միլիոն 400 հազար մարդ¹³⁸: Ռուսաստանի բազմաթիվ նահանգներում գյուղացիական տնտեսությունների ընդհանուր թվի մեկ երրորդը, իսկ որոշ նահանգներում նույնիսկ կեսը մնաց առանց աշխատող ձեռքերի: Մորիլիզացվեցին նաև ժողովրդի նյութական միջոցներն ու բանող անասունները: Մինչև 1917 թ. երկրորդ կեսն ամբողջ երկրում հավաքագրվեցին 2 միլիոն 600 հազար ձի և 18 միլիոն եղ ու բանող այլ խոշոր անասուններ¹³⁹, Գյուղացիական տնտեսությունների հսկայական մասը մնաց առանց ձիու: Արդյունաբերության ռազմականացման հետևանքով Ռուսաստանի 3 միլիոն 300 հազար ֆաբրիկագործարանային բանվորներից մեկ միլիոն 900 հազարը (57,6%) 1916 թ. վերջին արդեն պատերազմի համար էին աշխատում¹⁴⁰, Անկում ապրեցին արդյունաբերության և գյուղատնտեսության համարյա բոլոր ճյուղերը: 1917 թ. բարաձխի հանույթը, 1913 թ. համեմատությամբ, կրճատվեց ավելի քան 21%-ով, նավթինը՝ 23%-ով, սև մետաղի ձուլումը (առանց Լեհաստանի) ավելի քան 10%-ով (1916 թ.), պղնձինը՝ 50,6%-ով և այլն¹⁴¹:

Պատերազմը ծանր հարված հասցրեց նաև գյուղատնտեսությանը: 1917 թ.

¹³⁷ «Социал-демократ», 1916, № 51.

¹³⁸ ՏՆՄ Պ. Ի. Կաշչենկո, ՍՍՀՄ ժողովրդական տնտեսության պատմություն, հատ. 2, Կապիտալիզմ, Երևան, 1950, էջ 579:

¹³⁹ ՏՆՄ «История СССР», т. VI, М., 1968, стр. 584; Պ. Ի. Կաշչենկո, *Եղված աշխ.*, էջ 579:

¹⁴⁰ ՏՆՄ Н. Н. Минц, История Великого Октября, т. I, М., 1967, стр. 125.

¹⁴¹ ՏՆՄ «Труды ЦСУ», т. VII, вып. I, «Статистический сборник за 1913—1917 г.», М., 1921, стр. 78; Պ. Ի. Կաշչենկո, *Եղված աշխ.*, էջ 576; А. Д. Брейтерман, Медная промышленность России и мировой рынок, ч. III, М., 1930, стр. 250.

հացահատիկային գլխավոր կուտուրանների ցանքատարածությունները Ռուսաստանում, 1914 թ. համեմատությամբ, կրճատվեցին 12,4%-ով, իսկ հացահատիկի ու կարտոֆիլի համախառն բերքը՝ 28,5%¹⁴²։ Պատերազմի միայն առաջին 19 ամիսների ընթացքում անասունների ընդհանուր կորուստը Ռուսաստանում կազմեց մոտ 26 միլիոն գլուխ։

Քաջքայվեց ցարական Ռուսաստանի առանց այն էլ թույլ երկաթուղային տրանսպորտը։ Նախքան պատերազմը բեռների նորմալ փոխադրումների համար պակասում էր 2 հազար շոգեքարշ և 80 հազար վագոն։ Բացի դրանից, շոգեքարշերի 1/4-ը հնացել էր և անհրաժեշտ էր փոխել¹⁴³։ Երկրի մեքենաշինական, շոգեքարշաշինական և մետաղագործական գործարանները, գլխավորապես զենքի և ռազմամթերքի արտադրության անցնելու պատճառով, գրեթե դադարեցին շոգեքարշեր, վագոններ և ուսեր արտադրելուց։ Տրանսպորտի լարված աշխատանքի հետևանքով մաշված շոգեքարշերն ու վագոնները շուտով շարքից դուրս եկան։ Երկաթուղային տրանսպորտում դրույթունն է՝ ավելի վատացավ։ Երկաթուղիները չէին ապահովում փոխադրումների անընդհատ մեծացող պահանջները։ 1915—1916 թթ. շտեղագիտված բեռները կազմեցին բոլոր բեռների 20—30%-ը։ Միայն 1916 թ. բեռների կուտակումները երկաթուղիներում հասան 150 հազար վագոնի¹⁴⁴։ Տնտեսական փլուզումն էլ ավելի ուժեղ էր Անդրկովկասում և Հայաստանում, որոնք առաջին համաշխարհային պատերազմի ռազմաճակատային և մերձակատային շրջաններից էին։

Արևելյան Հայաստանից բանակ զորակոչվեց մոտ 120 հազար մարդ։ Եթե ռուսական կաշարությունում զորակոչվածները կազմում էին երկրի ամբողջ բնակչության 8 տոկոսը, ապա Արևելյան Հայաստանում՝ 10 տոկոսը¹⁴⁵։ Բանակի կարիքների համար ձիերի և բանող այլ անասունների հավաքագրման հետևանքով դրանց թիվը կրճատվեց ինչպես ամբողջ երկրամասում, այնպես էլ Արևելյան Հայաստանում։ Պատերազմի առաջին երկու տարվա ընթացքում ձիերի և ավանակների քանակը միայն Երևանի նահանգում պակասեց ավելի քան 18 հազար գլխով¹⁴⁶։

Արդյունաբերության ռազմականացման ասպարեզում Անդրկովկասի բուրժուազիան ետ չմնաց ռուսականից։ Նրա համար պատերազմը նույնպես շահույթի անսպառ աղբյուր էր։ Պատերազմն սկսվելուց անմիջապես հետո նա երկրամասի արդյունաբերությունն աստիճանաբար ռազմական ուսերի վրա դրեց։ Դործարանները, ֆաբրիկաները և հաճախ նույնիսկ արհեստանոցներն սկսեցին աշխատել բանակի համար։ Ըստ 1917 թ. մայիսի 1-ի տվյալների, ամբողջովին կամ մասնակիորեն, պատերազմի համար Կովկասում աշխատում էր 839 արդյունաբերական ձեռնարկություն՝ 92.086 բանվոր-ծառայողներով¹⁴⁷։ Կովկասի երկրամասի արդյունաբերական ամբողջ արտադրանքի

142 ՏՆՍ Պ. Ի. Կաշչենկո, *Նշված աշխ.*, էջ 581։

143 ՏՆՍ «История СССР», т. VI, стр. 576.

144 ՏՆՍ Պ. Ի. Կաշչենկո, *Նշված աշխ.*, էջ 583։

145 ՏՆՍ Մ. Հ. Ադունց, *Հայաստանի ժողովրդական տնտեսությունը և հայ տնտեսագիտական միտքը XX դարի սկզբին*, Երևան, 1968, էջ 448։

146 ՏՆՍ «Кавказский календарь на 1915 год», Отдел статистический, стр. 332—334; *Հայկական ՍՍՀ ԿՊՊԱ*, ֆ. 94, ց. 6, գ. 1694, ք. 4։

147 ՏՆՍ «Россия в первой мировой войне 1914—1918 гг. (в цифрах)», М., 1925, стр. 80.

89%-ը ռազմական նպատակներին էր հատկացվում¹⁴⁸, Հայաստանի արդյունաբերության զլխավոր ճյուղը՝ պղնձարդյունաբերությունը միայն պատերազմի համար էր աշխատում:

Արդյունաբերության ռազմականացման, որակյալ բանվորների պակասի, տրանսպորտի աշխատանքի խափանումների, երկրամասի տարածքում ծավալված պատերազմական գործողությունների և բազմաթիվ այլ պատճառներով Անդրկովկասի և Հայաստանի տնտեսությունը ճգնաժամ ապրեց: Քարածխի արդյունահանումն կրճատվեց մոտ երկու անգամ: Եթե 1913 թ. Անդրկովկասում արդյունահանվել էր 4 միլիոն 192 հազար 886 փութ քարածուխ, ապա 1917 թ.՝ ընդամենը 2 միլիոն 102 հազար 828 փութ¹⁴⁹:

Հայաստանում քարածխի արդյունահանումը դադարեցվեց 1915 թ., երբ Կարսի մարզի Օլթիի շրջանը, որտեղ 1914 թ. արդյունահանվել էր 4.600 փութ քարածուխ, ժամանակավորապես օկուպացվեց թուրքական զորքերի կողմից¹⁵⁰, 1917 թ. նավթի արդյունահանումն Անդրկովկասում 1913 թ. համեմատության կրճատվեց մոտ 15%-ով: Ռուսաստանում նավթի հանույթի կրճատման կեսից ավելին՝ 70 միլիոն 800 հազար փութն ընկնում էր Բաքվին¹⁵¹:

Նախքան պատերազմն Անդրկովկասը տալիս էր Ռուսաստանում ձուլվող պղնձի 30,5%, իսկ միայն Հայաստանը՝ 16,7%¹⁵²: Պատերազմի տարիներին պղնձի ձուլումը Անդրկովկասում կրճատվեց 2,7 անգամ: Հայաստանի պղնձարդյունաբերության քայքայման մասին են վկայում հետևյալ թվերը: Եթե 1913 թ. Ալավերդու, Սիսիմադանի և Զանգեզուրի պղնձաձուլական գործարաններում ձուլվել էր 343.098 փութ, ապա 1917 թ.՝ 105.233 փութ պղինձ, այսինքն պղնձի ձուլումը Արևելյան Հայաստանում կրճատվել էր ավելի քան երեք անգամ¹⁵³: Պատերազմը Հայաստանի պղնձարդյունաբերությանն այնպիսի ծանր հարված հասցրեց, որ 1916 թ. Սիսիմադանի, իսկ 1918 թ. սկզբից նաև Ալավերդու և Զանգեզուրի պղնձաձուլական գործարանները դադարեցին գործելուց:

1913 թ. Հայաստանը տալիս էր Կովկասում արտադրվող քարաղի հարյուր տոկոսը (1.125.708 փութ) և ամբողջ աղի (1.456.028 փութ) 77,3 տոկոսը¹⁵⁴, Պատերազմի հետևանքով աղի արտադրությունը Հայաստանի մի քանի հանքավայրերում զգալիորեն կրճատվեց: Այսպես, եթե 1913 թ. երկրորդ կեսում Կարսի մարզի Օլթիի շրջանի աղահանքերում արտադրվել էր 52.335 փութ աղ, իսկ Կաղզվանի աղահանքերում՝ 282.962 փութ, ապա 1914 թ. երկրորդ կեսում Օլթիի աղահանքերում արտադրվել էր ընդամենը 9.619 փութ, իսկ Կաղզվանի աղահանքերում աշխատանքները դադարեցվել էին և աղ չէր արտադրվել¹⁵⁵: Վիճակագրական տվյալները ցույց են տալիս, որ 1913 թ. հա-

148 ՏՆ՝ նույն տեղում, էջ 71:

149 ՏՆ՝ «Закавказье...», стр. 116.

150 ՏՆ՝ Ս. П. Басилая, Закавказье в годы первой мировой войны, Сухуми, 1968, стр. 281.

151 ՏՆ՝ «Труды ЦСУ», т. VII, вып. I, стр. 78.

152 ՏՆ՝ И. Г. Каспарова, Междоудная промышленность дореволюционной Армении и иностранный капитал, Ереван, 1961, Приложение, таблица 3^б.

153 ՏՆ՝ «Закавказье...», стр. 112.

154 ՏՆ՝ «Кавказский календарь на 1915 г.». Отдел статистический, стр. 364.

155 ՏՆ՝ «Кавказский календарь на 1916 г.». Отдел статистический, стр. 93.

մեմատությունը, 1915 թ. աղի արտադրությունը Հայաստանում կրճատվել էր 113.691 փոփով կամ ավելի քան 10%-ով¹⁵⁶:

Անդրկովկասի և Հայաստանի տնտեսության քայքայման կարևոր պատճառներից մեկը տրանսպորտի ճգնաժամն էր: 1916 թ. սեպտեմբեր, հոկտեմբեր և նոյեմբեր ամիսներին Անդրկովկասի երկաթուղին անհրաժեշտ բեռների փոխադրման պլանը կարողացավ կատարել միայն 50%-ով¹⁵⁷: Անդրկովկասը Ռուսաստանի հետ կապող միակ երկաթգիծը, ինչպես նաև ջրային տրանսպորտը պատերազմի առաջին իսկ օրերից գրեթե ամբողջովին անցան ռազմական բեռների փոխադրմանը: Ռուսաստանից ստացվող հացի, վառելանյութի, գյուղատնտեսական մեքենաների, հանքային պարարտանյութերի և բազմաթիվ այլ ապրանքների քանակը խիստ նվազեց: 1915 թ. նոյեմբեր-դեկտեմբեր ամիսներին կրճատվեց Հայաստանի պղնձաձուլական գործարանների արտադրանքը: 1916 թ. փետրվարին Ալավերդու պղնձաձուլական գործարանում արտադրված 9.000 փուփ պղնձից սպառողներին ուղարկվել էր ընդամենը 2.532 փուփը, այսինքն՝ արտադրված պղնձի միայն 27 տոկոսը: Առավել վատ էր Ջանգեզուրի պղնձաձուլական գործարանների վիճակը, որոնք գտնվում էին Անդրկովկասի երկաթուղուց 250 վերստ հեռավորության վրա: Կոքսը եվլախ կայարանից մինչև Ղափան և պղինձը՝ Ղափանից եվլախ փոխադրվում էին գրաստներով ու սայլերով:

Հայաստանի պղնձարդյունաբերության քայքայման պատճառներից մեկըն էլ բանվորական ուժի պակասն էր: Բանվորներին բանակ զորակոչելու և պարսկահայտակ բանվորների հայրենիք վերադառնալու հետևանքով, աշխատուժի պակասը սուր բնույթ ստացավ: Կապիտալիստները պղնձի արտադրությունը կրճատելու և նրա պահանջարկը մեծացնելու միջոցով ձգտում էին արհեստականորեն բարձրացնել պղնձի գինը, ավելի մեծ շահույթ կորզելու համար¹⁵⁸:

Կրճատվեց նաև գինու և կոնյակի արտադրությունը: 1913 թ. Անդրկովկասում և Արևելյան Հայաստանում արտադրվել էր 16 միլիոն 936 հազար ղույլ գինի և ստացվել 43 միլիոն 625 հազար աստիճան սպիրտ, իսկ 1915 թ.՝ 1 միլիոն 868 հազար ղույլ գինի և 4 միլիոն 308 հազար աստիճան սպիրտ, այսինքն գինու արտադրությունը կրճատվել էր 9 անգամ, իսկ սպիրտինը՝ ավելի քան 10 անգամ¹⁵⁹: Պատերազմից առաջ Հայաստանից Ռուսաստան էր արտահանվում տարեկան 4 միլիոն աստիճան կոնյակ և ավելի քան 600 հազար ղույլ գինի: Պատերազմի հետևանքով Անդրկովկասից և Հայաստանից Ռուսաստան, ինչպես նաև միջազգային շուկա արտահանվող գինու և կոնյակի քանակը խիստ կրճատվեց: 1914 թ. օրենքով արգելվեց օդու և սպիրտի ազատ վաճառքը բնակչությանը: Գործարանատերերը պարտավոր էին արտադրված ամբողջ սպիրտը կայուն գներով հանձնել պետությանը: Նրևանի նահանգում 1916 թ. գինու, կոնյակի, օդու և սպիրտի արտադրությունը 1913 թ. համեմա-

156 ՏԷՍ «Кавказский календарь на 1915 г.», Отдел статистический, стр. 364 и на 1917 г., Отдел статистический, стр. 368.

157 ՍՄՄ ԿՊՌՊԱ, ֆ. 369, ց. 13, գ. 87, ք. 13:

158 ՏԷՍ ՍՄՄ ԿՊՌՊԱ, ֆ. 369, ց. 21, 1916 թ., գ. 29, ք. 57:

159 ՏԷՍ «Кавказский календарь на 1915 г.», Отдел статистический, стр. 336—337 и на 1917 г., Отдел статистический, стр. 354—357.

տուվյաժը կըմատվեց ավելի քան 15 անգամ¹⁶⁰, նվազեց զարեջրի, ինչպես նաև արդյունաբերության այլ ճյուղերի արտադրանքը:

Պատերազմի հետևանքով առաջացած զովարուկությունները, ինչպես ամբողջ երկրում, այնպես էլ Անդրկովկասում ու Հայաստանում նպաստեցին օտարերկրյա կապիտալի դիրքերի ուժեղացմանը և արագացրին ավելի թույլ ձեռնարկությունների սնանկացման ու արդյունաբերության հետագա մոնոպոլիզացման պրոցեսը:

Պատերազմի տարիներին օտարերկրյա կապիտալի ներթափանցման ուժեղացման հետևանքով Թուաստանի, ինչպես նաև Անդրկովկասի ու Հայաստանի տնտեսության կախվածությունը միջազգային իմպերիալիզմից է՛լ ավելի մեծացավ, Դեռ պատերազմից առաջ անգլիական, ֆրանսիական և գերմանական կապիտալիստներն իրենց ձեռքն էին կենտրոնացրել Անդրկովկասի հանքային հարստությունները, 1914 թ. նրանց ձեռքում էր գտնվում Անդրկովկասի նավթի արդյունահանման 56%-ը, նավթամթերքների առևտրի 75%-ը, նավթամշակման գործարանների և նավթային նավատորմի հիմնական մասը, պղնձարդյունաբերության 91,2%-ը և այլն: Այդ նույն թվականին օտարերկրյա կապիտալի ձեռքում էր կենտրոնացված Հայաստանի պղնձարդյունաբերության 90,3%-ը¹⁶¹, Պատերազմի տարիներին (մինչև 1917 թ. սկիզբը) օտարերկրյա կապիտալիստներն Անդրկովկասի ձեռնարկություններում ներդրեցին ավելի քան 213 միլիոն ռուբլի ոսկի (որի 43%-ը պատկանում էր անգլիական կապիտալին, 30,5%-ը՝ ֆրանսիական և այլն)¹⁶² և է՛լ ավելի մեծացրին իրենց ազդեցությունն ու դերը երկրամասում: Անդրկովկասի և Հայաստանի պղնձարդյունաբերությունն ամբողջությամբ ընկավ օտարերկրյա կապիտալիստների ձեռքը: Տեղական բուրժուազիայի մանր ձեռնարկությունները չդիմացան մրցակիցներին և կուլ գնացին նրանց: 1917 թ. Անդրկովկասում պղնձի ձուլման 44,5%-ը սպառվում էր ֆրանսիական, 43,5%-ը՝ գերմանական և 12%-ը՝ անգլիական կապիտալին¹⁶³, Այդ նույն թվականին ֆրանսիական ԿԱՄԸ մոնոպոլիստական ընկերության ձեռքում էր գտնվում Հայաստանի ողջ պղնձարդյունաբերությունը:

Պատերազմի վերջում Անդրկովկասի նկատմամբ մեծ հետաքրքրություն հանդես բերեցին նաև ամերիկյան մոնոպոլիաները: Թիֆլիսի ամերիկյան հյուպատոս Սմիթը 1917 թ. խոստովանում էր, որ հարուստ Կովկասը «ամերիկացիների համար առանձնահատուկ հետաքրքրություն է ներկայացնում»¹⁶⁴, Ահա թե ինչու ԱՄՆ-ի առևտրական ներկայացուցիչ Հոնթինգտոնը 1916 թ. ամռանը Պետրոգրադ ժամանելուց անմիջապես հետո մեկնեց Թիֆլիս ու այնտեղ հրավիրեց ամերիկյան գործակալների և տեղի արդյունաբերական շրջանների խորհրդակցություն: Խորհրդակցությունը քննարկեց Թուաստանի հարավային շրջանների ձեռնարկություններում ամերիկյան կապիտալի ներ-

160 Տե՛ս «Труды ЦСУ...», т. VII, вып. I, стр. 52 и 85.

161 Տե՛ս «Советский Союз, Азербайджан», М., 1971, стр. 105—106; Н. Г. Каспарова, *Ելված աշխ.*, էջ 34:

162 Տե՛ս «Справочная книга. Все торгово-промышленное Закавказье», Тифлис, 1925, стр. 23.

163 Տե՛ս Н. Г. Каспарова, *Ելված աշխ.*, էջ 129:

164 Տե՛ս Н. Н. Минц, *Ելված աշխ.*, էջ 195:

զբոման հարցը և որոշեց հետագա պրակտիկ բանակցությունները հանձնարարել Թիֆլիսի ամերիկյան հյուպատոսությանը¹⁶⁵։

1914—1916 թթ. ընդմիջտ կամ ժամանակավորապես փակվեցին կապիտալիստական մրցակցությանը շրջանացող հազարավոր ձեռնարկություններ։ Ըստ ֆարրիկագործարանային տեսչության տվյալների 1914 թ. Ռուսաստանում հաշվառված 13.858 ձեռնարկություններից 1915 թ. աշնանը 1699 ձեռնարկություն կամ փակվել էին, կամ կրճատել արտադրությունը և 264.905 բանվոր զրկվել էր աշխատանքից։ Մինչդեռ 364 խոշոր ձեռնարկություններ մեծացրել էին իրենց արտադրությունը և ավելացրել բանվորների բանակը 50,7%-ով¹⁶⁶։ 1913 թ. 500 և ավելի բանվոր ունեցող ձեռնարկությունները Ռուսաստանում կազմում էին բոլոր ձեռնարկությունների 5%, ուր կենտրոնացված էր երկրի բոլոր բանվորների 54%, իսկ 1915 թ.՝ 60%-ը¹⁶⁷։

Պատերազմի հետևանքով քայքայվեց նաև Անդրկովկասի ու Հայաստանի գյուղատնտեսությունը։ Նախքան պատերազմն ամեն տարի Հյուսիսային Կովկասից և Վոլգայի շրջաններից Անդրկովկաս էր բերվում 23—24 միլիոն փութ հացահատիկ¹⁶⁸։ Պատերազմի տարիներին զգալիորեն կրճատվեց այդ բանակը։ Հացի պակասը և գների աճն ստիպեցին գյուղացիներին կրճատել տեխնիկական կուլտուրաների ցանքատարածությունները և ցանել հացահատիկային կուլտուրաներ¹⁶⁹։ Նույն բանը տեղի էր ունեցել նաև Երևանի նահանգում։ Կայսրության պետական բանկի ավագ տեսուչ Ա. Է. Կնորրը 1917 թ. նշել է, որ նահանգում բամբակենու ցանքատարածությունները կրճատվել են ավելի քան կիսով չափ, քանի որ հացի գինն այնքան է բարձրացել և նրա կարիքն այնքան է մեծացել, որ մինչև պատերազմը բամբակագործությանը զբաղվող գյուղացիների մեծ մասը բամբակենու փոխարեն հացահատիկ է ցանում¹⁷⁰։ Սակայն հացահատիկային կուլտուրաների ցանքատարածությունների և բերքի ավելացումն, ինչպես ամբողջ Անդրկովկասում, այնպես էլ Հայաստանում, այնքան քիչ էր, որ չէր կարող բավարարել եղած պահանջը։ Ահա թե ինչու Անդրկովկասի աշխատավոր մասսաներն արդեն 1915 թ. կանգնեցին պարենային լուրջ ճգնաժամի առաջ։

Կրճատվեց նաև բամբակի արտադրությունը։ 1913 թ. բամբակենու ցանքատարածություններն Անդրկովկասում կազմում էին 127.500, իսկ 1917 թ.՝ 52.200 դեկատին¹⁷¹։ Երևանի նահանգում 1913 թ. նրա ցանքատարածություններն կազմում էին 38 հազար, իսկ 1917 թ.՝ 18 հազար դեկատին¹⁷²։

Պատերազմը մեծ վնաս հասցրեց նաև խաղողագործությանը։ 1914 թ. Անդրկովկասում և Արևելյան Հայաստանում եղել է 78.669 դեկատին խաղողի այգի և հավաքվել է 13 միլիոն 966 հազար փութ խաղող։ 1915 թ. խաղողի

¹⁶⁵ Տե՛ս նույն տեղում։

¹⁶⁶ Տե՛ս նույն տեղում, էջ 154։

¹⁶⁷ Տե՛ս Н. И. Минц, *взроставшие*, էջ 33 և 154։

¹⁶⁸ Տե՛ս П. В. Гусевский, *Зерновое хозяйство Грузии и Закавказья*, Тбилиси, 1955, стр. 161.

¹⁶⁹ Տե՛ս «Кавказский календарь на 1915 г.», Отдел статистический, стр. 276—281, на 1916 г., Отдел статистический, стр. 56—61 и на 1917 г., Отдел статистический, стр. 276—281.

¹⁷⁰ Տե՛ս ՍՍՀՄ ԿՊՊԱ, ֆ. 587, ց. 33, գ. 1148, ք. 1։

¹⁷¹ Տե՛ս «Закавказье...», էջ 236։

¹⁷² Տե՛ս նույն տեղում։

այգիների տարածությունը կրճատվել էր 20 հազար 102 դեռյա տինով, իսկ բերքը՝ 10 միլիոն 992 հազար փթով¹⁷³, 1913 թ. Երևանի նահանգում հավաքվել էր 5 միլիոն 337 հազար փութ խաղող, իսկ 1915 թ.՝ 774.444 փութ, այսինքն՝ 2 տարվա ընթացքում խաղողի բերքը կրճատվել էր 6,8 անգամ¹⁷⁴:

Պատերազմը լուրջ հարված հասցրեց երկրամասի անասնապահությանը: 1914 թ. Անդրկովկասում կար 10 միլիոն 422 հազար 474 գլուխ խոշոր ու մանր անասուն, 1915 թ.՝ 8 միլիոն 607 հազար 493, իսկ 1916 թ. մոտավոր հաշվումներով՝ 6 միլիոն 709 հազար 503 գլուխ անասուն¹⁷⁵, 1914 թ. Երևանի նահանգում և Կարսի մարզում եղել է 2 միլիոն 661 հազար 700, իսկ 1915 թ. 1 միլիոն 818 հազար 600 գլուխ անասուն¹⁷⁶:

Գյուղացիական շատ տնտեսություններ զրկվել էին ոչ միայն բանող, այլև մթերատու անասուններից: Այսպես, 1917 թ. Երևանի նահանգում և Կարսի մարզում ուսումնասիրված 20 հազար 418 գյուղացիական տնտեսություններից 3 հազար 468 տնտեսություն ոչ մի անասուն չունեին, 5 հազար 83 տնտեսություն եղ չունեին, 4 հազար 536 տնտեսություն կովազուրկ էր, իսկ 15 հազար 681 տնտեսություն ձի չունեին¹⁷⁷:

* * *

Գյուղատնտեսական արտադրության անկման, տրանսպորտի քայքայման, տնտեսական ողջ կյանքի խանգարման հետևանքով երկիրը շուտով կանգնեց պարենային լուրջ ճգնաժամի առաջ: 1915 թ. բանակը ստանում էր անհրաժեշտ պարենի միայն 50%-ը: Բազմաթիվ քաղաքներ և գյուղեր սովի էին մատնված: «Մեր շրջանի գյուղացիները այսօր բառիս բուն նշանակությամբ ուտելու հաց չունեն..., — գրում էին լոռուց, — գյուղերը ամայացված են, աշխատող ձեռքեր չունենք, տնտեսությունները հիմնովին կործանված են, այգիներն ավերված, գյուղական ճանապարհները հողին հավասարված, սովի ուրվականն ու խարչ-բեգարը առաջներս չոքած...»¹⁷⁸:

Գյուղատնտեսական և արդյունաբերական ապրանքների գները բարձրացել էին միջին հաշվով 4—5 անգամ, իսկ երբեմն է՛լ ավելի շատ: Թանկությունը հատկապես մեծ չափերի էր հասել արդյունաբերական և քաղաքային խոշոր կենտրոններում: Բաքվում տավարի մսի գինը բարձրացել էր 327%-ով, կարտոֆիլինը՝ 246%-ով, բրնձինը՝ 356, ձվինը՝ 392, կաթինը՝ 305, ձեթինը՝ 450, կարագինը՝ 520%-ով¹⁷⁹, 1916 թ., 1913 թ. համեմատությամբ, ցորենի գինը Երևանում բարձրացել էր 484,7%-ով, գարունը՝ 394,5%, բրնձինը՝ 595,

173 Տե՛ս «Кавказский календарь на 1916 г.», стр. 84, на 1917 г., стр. 354.

174 Տե՛ս «Кавказский календарь на 1915 г.», стр. 336—337 и на 1917 г., стр. 226—269.

175 Տե՛ս «Труды ЦСУ», т. VII, вып. I, стр. 201, «Кавказский календарь на 1915 г.», Отдел статистический, стр. 332—334 и «Кавказский календарь на 1917 г.», Отдел статистический, стр. 266—269.

176 Տե՛ս ՀՍՍՀ ԿՊՊԱ ֆ. 94, ց. 6, գ. 1604, ք. 13 գ. 1654 ք. 31—32:

177 Տե՛ս Մ. Զ. Աղոնց, նշված աշխ., էջ 452—453:

178 «Պայքար», 1916, 26 փետրվարի, № 9:

179 Տե՛ս В. В. Покишишевский, Положение бакинского пролетариата накануне революции (1914—1917 гг.), Баку, 1927, стр. 31.

կարտոֆիլինը՝ 626, սոխինը՝ 772, պոմիդորինը՝ 215, մսինը՝ 206,6, կարագինը՝ 377,8, շաքարինը՝ 442,3, ձվինը՝ 300% -ով¹⁸⁰։

Արդյունաբերական ապրանքների և մթերքների գների անընդհատ աճը ծանր վիճակ ստեղծեց աշխատավորության համար։ Խիստ ընկալ բանվորների ունեւ աշխատավարձը։ 1915 թ. նոյեմբերին Բաքվի նավթարդյունաբերողների համագումարին ուղղված իրենց հայտարարության մեջ Բաքվի բանվորները գրում էին. «Նախքան պատերազմը մենք զտնվում էինք ծանր դրության մեջ, իսկ պատերազմն սկսվելուց հետո մեր դրությունը միանգամայն անտանելի է դարձել։ Եվ որքան շատ է երկարաձգվում պատերազմը, այնքան ավելի ու ավելի է աճում թանկությունը, որն արդեն հերշավոր չափեր է ընդունել և շարունակում է օրըստօրե աճել»¹⁸¹։ 1916 թ. կեսերին Ալավերդու պղնձարդյունաբերական բանվորների միջին աշխատավարձն ավելացել էր ընդամենը 20% -ով, այն զեպչում, երբ պարենային ապրանքների գները բարձրացել էին 4—5 անգամ։ «Ալավերդու պղնձագործարանի բանվորները մի քանի օրից ի վեր մնացել են առանց հացի, — հաղորդում է թղթակիցը։ — Ավելի քան 3000 աշխատավորներ կերակրվում են միայն կարտոֆիլով և բրնձով։ Հացի պատճառով բանվորները գյուղից-գյուղ են ընկել և մի մասը չի աշխատում»¹⁸²։

Պատերազմի տարիներին ավելի ծանրացան բանվորների աշխատանքի պայմանները, կրճատվեցին անգամ հանգստի և տոն օրերը։ Թաղմական պատվերները կատարելու համար արտաժամյա պարտադիր աշխատքի կիրառման միջոցով ձեռնարկատերերն ամենուրեք ավելի երկարացրին բանվորական օրը։ Անդրկովկասի բանվորների աշխատանքային օրվա ընդհանուր տևողությունը, որպես կանոն, հասնում էր 12—14 ժամի։

Պատերազմի տարիներին ցարական կառավարությունը վերացրեց արդյունաբերական աշխատանքի կանոնադրության 64, 65, 74, 75 և 194—200 հոդվածները¹⁸³, որոնցով արգելված էր կանանց և դեռահասների (15—17 տարեկան) գիշերային աշխատանքը մանածագործական ֆաբրիկաներում, կանանց աշխատանքը հանքահորերում, նրանց գիշերային աշխատանքը լեռնահանքային արդյունաբերության գործարաններում ու արհեստանոցներում, երեխաների (12—15 տարեկան) աշխատանքը գիշերային հերթափոխություններում, հանգստյան ու տոն օրերին և այլն։ Աշխատանքի պաշտպանության վերաբերյալ մինչև պատերազմը գոյություն ունեցող այն կիսատ-պոստ օրենքները, որոնք Թուրքիայի բանվոր զանազարգը ձեռք էր բերել ցարական ինքնակալության և բուրժուազիայի զեմ մղած երկարատև ու համատ պայքարում և որոնք այս կամ այն չափով սահմանափակում էին նրա անզուսպ շահագործումը, պատերազմի տարիներին աստիճանաբար վերացվեցին։

Այնուհետև, ռազմականացվեց երկրի բանվորների զգալի մասի աշխատանքը։ «Պետական գործարաններին բանվորների անհրաժեշտ կոնտինգենտ ամրացնելու»¹⁸⁴ նպատակով, 1915 թ. հուլիսի 14-ին ցարական կառավարությունը օրենք ընդունեց «պաշտպանության» համար աշխատող պետական գոր-

180 Տճ՝ Խ. Ա. Աղևնց, Եղված աշխ., էջ 453։

181 ՍՄՄ ԿԳՈՊԱ, ֆ. 132, 51 ց. 11, գ. 42, ք. 46։

182 «Հորիզոն», 1917, 5 փետրվարի, № 27։

183 Տճ՝ «Свод Законов», т. XI, ч. 2, СПБ, 1913։

184 ՍՄՄ ԿԳՈՊԱ, ֆ. 1276, ց. 11, գ. 350, ք. 2։

ծարաններում ու ֆարրիկաներում պատերազմական դրույթուն մտցնելու մասին¹⁸⁵, Այս գործարաններին ու ֆարրիկաներին ամրացված բանվորներն ու ծառայողները իրավունք չունեին փոխելու իրենց աշխատավայրը, մասնակցելու գործադուլներին, թերանալու իրենց աշխատանքային պարտականություններում, հակառակ դեպքում պատժվում էին տուգանքով կամ էլ տարբեր ժամկետների բանտարկությամբ:

Պատերազմի համար աշխատող մասնավոր ձեռնարկությունների զինապարտ բանվորներին ու ծառայողներին որոշվեց տարկետում տալ: Այդ նպատակով 1915 թ. հոկտեմբերի 8-ին ցարական բանակի զլխավոր շտաբին կից ստեղծվեց տարկետումների գործերի զլխավոր կոմիտե, ինչպես նաև նահանգային, օկրուգային և գավառային (քաղաքային) կոմիտեներ¹⁸⁶, Մինչև 1916 թ. փետրվարի 1-ը Անդրկովկասում ստեղծվեցին այդպիսի 29 կոմիտեներ, այդ թվում Նրևանի, Ալեքսանդրապոլի, Բորչալուի, Նախիջևանի, Նոր Բայազետի, էջմիածնի գավառային կոմիտեները և Կարսի օկրուգային կոմիտեն¹⁸⁷:

Տարկետումների գործերի զլխավոր կոմիտեի որոշմամբ, տարկետման ժամանակաշրջանում միայն մեկ անգամ և այն էլ փաստորեն ձեռնարկներ, մասնավոր ձեռնարկությունների բանվորներին իրավունք էր վերապահված տեղափոխվելու մի այլ, բայց նույնպես պատերազմի համար աշխատող ձեռնարկություն: Ընդ որում, մի գործարանից մյուսը տեղափոխվելիս, բանվորները պարտավոր էին այդ մասին տեղեկացնել իրենց զինվորական պետերին: Սակայն 1915 թ. նոյեմբերին տեղափոխման կարգը փոխվեց, Այսուհետև զորահամար պահանջվում էր նոր ձեռնարկության միջնորդությունը և հին ձեռնարկության գրավոր համաձայնությունը: Տեղափոխման հարցը վերջնականապես իրավասու էր լուծելու միայն տարկետումների գործերի զլխավոր վարչությունը:

Ցարական կառավարությունն ու բուրժուազիան բանվորներին զրկեցին տարրական իրավունքներից և, արդյունաբերությունը ռազմականացնելու միջոցով, նրանց դարձրին դադահի մոտ կանգնած «շարքային զինվոր»¹⁸⁸, Ահա թե ինչու Վ. Ի. Լենինը մատնանում էր, որ ցարական կառավարությունն ու բուրժուազիան պատերազմի տարիներին ամբողջ Ռուսաստանը վերածեցին «բանվորների համար զինվորական-տաժանակիր» բանտի¹⁸⁹:

Ցարական կառավարությունը սովի ու ծարահեղ աղբատության եզրին հասած աշխատավոր գյուղացիության վրա դրեց նոր հարկեր ու տուրքեր և ստիպեց կատարել պատերազմական ժամանակաշրջանի զանազան ծանր պարահաներ: 1914 թ. դեկտեմբերի 24-ի օրենքով հողային հարկն ավելացավ 50%-ով: 1915 թ. 114%-ով ավելացավ գյուղացիներին մշտական օգտագործման տրված պետական հողերի պետական: 1916 թ. նրանքի նահանգի բնակչությունից զանձվել է մոտ 12 տեսակի հարկ¹⁹⁰:

Արևելյան Հայաստանի աշխատավոր զանգվածների նյութական վիճակն էլ ավելի վատթարացավ Արևմտյան Հայաստանի գաղթականության ներհոսից

185 Տճ՝ս նույն տեղում, թ. 3—7.

186 Տճ՝ս ՍՍՀՄ ՊԿԹԱՀ 3251, ց. 10, գ. 22, թ. 20—24.

187 Տճ՝ս նույն տեղում, ց. 2, գ. 25, թ. 7—15.

188 «Социал-демократ», 12 декабря 1914 г., № 35.

189 Վ. Ի. Լենին, Նրկերի, Հ. 25, էջ 491.

190 Տճ՝ս Մ. Վ. Արզումանյան, Հայաստանը 1914—1917 թթ., էջ 705.

հետո Ազատվելով Թուրքական բարբարոսների կոտորածներից, հայ զաղթականները Ռուսաստան հասան առանց ունեցվածքի, բաղցած և հյուծված։ Նրանցից շատերը կորցրել էին իրենց հարազատներին։ Գաղթականների մի մասը ապաստան գտավ տեղացիների տներում, որոնք կիսեցին նրանց հետ իրենց ապրուստի սուղ միջոցները։

Պատերազմն սկսվելուց հետո ցարական կառավարությունն էլ ավելի ուժեղացրեց աշխատավորների և մասնավորապես հեղափոխական ուժերի ճնշման իր բաղադրականությունը, որը բոլշևիկյան կուսակցության կենտրոնական օրգան «Սոցիալ-դեմոկրատ» բնորոշեց որպես «ռազմական տեղորոշված» քաղաքականություն¹⁹¹։ 1914 թ. օգոստոսի 12-ին Նիկոլայ II-ի հրամանով պատերազմական դրություն հայտարարվեց Կովկասի բոլոր շրջաններում։ Կովկասի փոխարքա Վորոնցով-Դաշկովի 1914 թ. օգոստոսի 21-ի հայտարարության մեջ նշվում էր, որ Կովկասում պատերազմական դրություն է մտցվել, որպեսզի «Կարևոր լինի կանխել շարաժիտ մարզկանց այնպիսի գործողություններ, որոնք կարող են սպառնալ պետական կարգերին»¹⁹²։ Արգելվեցին գործադուլները և աշխատանքի ամեն տեսակի ընդհատումները, ցույցերը և հանդուգն վերաբերմունքը դեպի կառավարության ու ոստիկանության պաշտոնյաները, առանց ոստիկանության գիտության ժողովներ, հավաքներ, համագումարներ հրավիրելը, հակակառավարական բռնալի կրող և թանկարժույթուններին տեղիք տվող երգեր երգելը, ինչպես բանավոր, այնպես էլ գրավոր ու տպագրի խոսքի միջոցով գործադուլների, ցույցերի, հասարակական թշնամությունների մասին լուրեր մասսայականացնելը, կառավարության ու նրա մարմինների կարգադրությունների ու գործողությունների քննադատությունը, ոստիկանական և զինվորական աստիճանավորների գործողություններին ու կարգադրություններին խառնվելը և այլն։

Երկրամասի բոլոր տնտեսները, տների կապալառուները, հյուրանոցներ, կահավորված սենյակներ, իջևանատներ պահողները, տեախի կառավարիչները պարտավոր էին 15 տարեկան և ավելի բարձր տարիք ունեցող երկսեռ բոլոր քնակիչների ցուցակագրություն անցկացնել և յուրաքանչյուր նորարեանի մասին անհապաղ գեկուցել համապատասխան մարմիններին։ Ցուրաբանչուր բաղաբացի պետք է հսկեր, որ զաղտնի տպարաններ, զենքի, պայթուցիկ նյութերի, հակակառավարական հրատարակությունների պահեստներ չստեղծվեն, իսկ ստեղծվելու դեպքում պետք է այդ մասին անհապաղ տեղեկացնել իշխանություններին։ Սահմանված կանոնները խախտող և իրենց այդ «պարտականությունները» չկատարող քաղաքացիները կնքակա էին 3.000 ռուբլի քուզանքի կամ բանտարկություն¹⁹³։

Պրոլետարիատի կազմակերպված կամքի դրսևորման ամեն մի հնարավորություն բացառելու համար ցարական կառավարությունն սկսեց ոչնչացնել բանվոր դասակարգի՝ իրենց գոյությունը դնելու պահպանած կազմակերպությունները, մամուլի օրգանները, կույտուր-լուսավորական ընկերությունները։ Չտեսնված շահերի հասան հալածանքներն ընդհատակ անցած բոլշևիկյան կուսակցության նկատմամբ։ Սկսվեց բոլշևիկների և առաջավոր բանվորների մասսայական ձերբակալությունների և արքայի մի նոր շրջան։ Ինչ-

191 2002 ԿԳՊԱ, ք. 102, ց. 1, գ. 96, թ. 204։

192 Տե՛ս նույն տեղում, ց. 1, գ. 95Ա, թ. 1—52։ «Հարիզոն», 1914, № 165։

«Известия Бакинской городской думы», 1914, № 3, стр. 174—181.

պես Ռուսաստանում, այնպես էլ Անդրկովկասում հաստատվեց «խսկական քոնապետական ռեակցիա»¹⁹³,

Սակայն բուլճերիկների կուսակցությունը չընկրկեց ղեկավարությունների առաջ: Նա պատերազմական դրությամբ անասելի ծանր ու բարդ պայմաններում, երբ, ինչպես նշել է Վ. Ի. Լենինը, «մեր կուսակցության աշխատանքն հարյուր անգամ ավելի դժվար» էր «դարձել»¹⁹⁴, շարունակեց իր աշխատանքը բանվորագյուղացիական ու ղինվորական մասսաներին քաղաքականապես լուսավորելու, ցարիզմի ու բուրժուազիայի դեմ նրանց համախմբելու և կազմակերպելու ուղղությամբ:

9. ԴԱՍԱԿԱՐԳԱՅԻՆ ՊԱՅԲԱՐԻ ՍՐՈՒՄԸ ԵՎ ՀԵՂԱՓՈԽԱԿԱՆ ՇԱՐԺՈՒՄՆԵՐԸ ԱՐԵՎԵԼՅԱՆ ՀԱՅԱՍՏԱՆՈՒՄ

Ցարական կառավարությունը պատերազմի մեջ էր մտել ոչ միայն իր զավթողական պլաններն իրականացնելու, այլև՝ հեղափոխական շարժումը ճնշելու կամ թլուցնելու, հասունացող ժողովրդական հեղափոխությունը խեղդելու համար: Սակայն ռուսական կալվածատերերի ու կապիտալիստների հույսերը շարդարացան: Պատերազմը խորացրեց ցարական ինքնակալության նկատմամբ ժողովրդական զանգվածների ատելությունը, սրեց դասակարգային հակասությունները և արագացրեց դեպքերի ընթացքը:

1915—1916 թթ. հեղափոխական շարժումը Ռուսաստանում նոր վերելք ապրեց: Միայն գործարանային և հանքային տեսչություններին ենթակա ձեռնարկություններում 1915 թ. գործադուլ արեցին 571 հազար բանվոր, 1916 թ.՝ 1.172 հազար և 1917 թ. հունվար-փետրվար ամիսներին՝ 676 հազար բանվոր¹⁹⁵, Ավելացավ նաև քաղաքական գործադուլների և դրանց մասնակիցների թիվը¹⁹⁶,

Բանվորական շարժման վերելքն Անդրկովկասում սկսվեց 1915 թ. կեսերին և էլ ավելի ուժեղացավ 1916 թ.-ի երկրորդ կեսին, ըստ պաշտոնական նվազեցված տվյալների, Անդրկովկասում տեղի էր ունեցել 90 գործադուլ՝ ավելի քան 6000 մասնակիցներով, ապա 1916 թ. տեղի ունեցավ մոտ 160 գործադուլ, ավելի քան 40.000 մասնակիցներով¹⁹⁷:

Պատերազմի համար աշխատող ձեռնարկությունների զինապարտ բանվորները դադարել էին աղատ վարձու բանվորներ լինելուց և փաստորեն ստրկացվել էին ձեռնարկատերերի կողմից¹⁹⁸: Սակայն նրանք ոչ միայն պաշտպանեցին բանվորների գործադուլներն ու հեղափոխական ելույթները, այլև դարձան հեղափոխական պայքարի առաջամարտիկներ: Ցարական կառավարության այն հույսերը, թե զինապարտ բանվորները, վախճանալով աշխատանքից զրկվելու և ռազմաճակատ ուղարկվելու վտանգից, հեռու կմնան հեղափոխական պայքարից՝ շարդարացան:

193 Սու. Եանույան, ԵԺ, հ. 3, էջ 21:

194 Վ. Ի. Լենին, Երկր, հ. 35, էջ 179:

195 Տե՛ս «Краткая история рабочего движения в России (1861—1917 гг.)», М., 1962, стр. 526 и 538.

196 Տե՛ս Եույն տեղում, էջ 538:

197 Հ. Ա. Պետրոսյան, Անդրկովկասի բանվոր դասակարգը և բուլճերիկան կազմակերպությունները առաջին համաշխարհային պատերազմի տարիներին, Երևան, 1977, էջ 301:

198 Տե՛ս ՍՍՀՄ ԿՊՌՊԱ ֆ. 1300, ց. 1 գ. 152, թ. 7: